


中國方志叢書·華中地方·第二三四號

據 宋 淳熙二年修，清光緒十四年重刊本  
羅 願 撰

影印

安徽省

# 新安志



成文出版社有限公司印行

Sk29/63



在文川网搜索古籍书城 获取更多电子书  
入册商家  
iver文川网  
古籍书城

中國方志叢書·華中地方·第二三四號

據

宋淳熙二年修，清光緒十四年重刊本  
宋羅願撰

影印

安徽省

新安志



SK29/63

成文出版社有限公司印行



\*10094204\*

新安志

docsriver 文川网  
入驻商家 古籍书城

在文川网搜索古籍书城 获取更多电子书

子孫萬子孫萬  
子孫萬子孫萬

重刊新安志序

新安山郡也其山西北自嶺嶠下而出  
於休婺之間者曰率山登高視之黃山  
齊雲巍峩皆若有遜山水東流為浙江  
歸震川汉口志序所稱率山之水北與  
練溪合為新安江過嚴陵灘入錢塘者  
也其西流者一由祁門達浮梁一由婺

戶  
源達鄱陽為廬江水山海經曰三天子  
鄩在閩西海北亦謂之三天子鄩浙江  
廬江皆出焉鄩元本之為水經注準今  
率山地望適合而郭璞謂三天子鄩為  
歛東玉山則以今績溪大鄩山當之誤  
也余因思秦於此立鄩郡蓋取義三天  
子鄩為最古而自來說地理者云秦以

大鄣名郡又非也漢更鄣曰丹陽其所  
屬黟歙二縣迺得後世新安全郡地孫  
吳別為新都郡晉太康中改新安至宋  
仍其名羅鄂州始為之志觀其敘述有  
體徵引賅備多補前史志傳之闕洵攷  
古者不可少之書矣自秦漢迄今郡邑  
割并不常沿革回惑而吾徽州一府適




符宗代新安屬地之數余又性好游覽  
老耽詞翰念文獻之不可無徵而是書  
之為山水增重也爰重刊而序之如此  
光緒十三年十月古黟李宗燭謹敘

新安志云休甯率山高五十七仞歙縣黃山  
高千百八十仞同治中新修安徽省志云率  
山高千數百仞黃山高三千七百餘丈康熙  
間休甯趙吉士所纂徽州府志則云黃山高

千百八十仞率山高千四百餘仞據此率高  
於黃興二志異案府志言率山為江南祖山  
鄱浙二水源於此由五嶺西北來周百餘里  
地勢最高省志說略同是新安志謂鄱郡諸  
山為黃山支派者非也且新安志云江南諸  
山有天目天台之屬天台高萬八千丈而  
低於黃山新安郡之平地已與天目天台二  
山等即此推之休甯地望視歙逾上率高黃  
下瞭然易明又不必較量於數百仞間矣余

長志言辛山五十七句蓋鄂州臆測之若遊  
踪所到必不為是言否則所記句數傳刻誤  
也 國朝輿地之學遠邁前古二山高下當  
以今志為準趙係郡人所為書較新修省志  
尤精密今參定從之宗媚又識



新安志序

新安在秦漢爲黟歙二縣漢末別於丹陽以自爲郡其山川風土則已見於中古矣漸江之水出於鄣山則章亥之所步禹之所錄也桐汭之地爲黟故境則楚子西子期之所爭上明之所記也至於漢氏兩以疏封骨肉爲諸侯王國又丹陽都尉之所理會稽太守之所適皆班班著見至梁肅幾爲新安太守愛其山水始爲之記又有王筠新安記唐有歙州圖 國朝太平興國中詔編廣記往往

摭取之至大中祥符中頒李宗諤所修新圖經於天下則由前諸書廢不顯而官府頃罹睦寇又失祥符所頒特抄取計簿益之以里魁亭父之所隱實者編以爲冊餘五六十年矣私竊悼之間因閱前史及國典并雜家稗說有及此者稍稍附著後得祥符圖經於民間則綱目粗設益訪故老求遺事思輯爲一書然未果就會邦君趙侯聞之勉使卒業約敕諸曹遇咨輒報且諭屬縣網羅金石之文使得輔成其說而書出矣夫所爲記山川道里

者非以示廣遠也務知陰易不忘戒也其錄丁口  
項畝非以覽富厚也務察息耗毋繇奪也其書賦  
貢物產非以給嗜欲也務裁閭閻同民利也至於  
州土沿革吏治得失風俗之熾惡與其人材之  
寡是皆有微旨必使涉於學者纂之自上世九州  
之志與三墳五典偕號為帝王遺書而禹貢職方  
氏孔子定之以為經若直抄取計簿以為書則且  
吏之善書者足以次之矣其施於事也亦然若直  
據令甲以為治則凡吏之毋害者足以聽之矣蓋

世常以此爲無事乎儒而儒亦卒不可廢於世也  
豈持此哉凡十卷名曰新安志侯帝室之胄父子  
昆季皆以文學取第其爲政廉靖不擾人亦相與  
安之且去猶惓惓於吾土思欲表章之蓋有不可  
忘者矣

淳熙二年三月癸未郡人羅願序

新安志序

徽爲郡自漢始至於今久矣圖經紀述其事宜詳也試考之則遺闕而不備讀者恨焉此新安志所以作也不悔昔將承乏此州而吏以圖經先至見其疎略即有意於補次一日對衆客語之客言新章貢倅羅君蓋志存於此者訪拾編摩蒐取附益用心勤且舊矣僕爲驚喜因請之卒業成一家書以表見於時於是新安志出焉上下千載閭博采詳摭論正得失皆有據依釐爲十卷凡山川道里



之險易丁口頃畝之息耗賦貢物產之闕狹以至  
州土吏治風俗人材皆條理錯綜聚見此書曾無  
遺者嗚呼可謂盛也羅君以儒學蚤馳雋聲惟其  
博物洽聞故論載甚廣而其敘事又自得立言之  
法讀者必能辨之趙不悔序

docsriver 文川网  
入驻商家 古籍书城

在文川网搜索古籍书城 获取更多电子书

新安志目錄

新安羅 願 撰

第一卷

州郡

沿革 分野 風俗 封建 境土 治

所 城社 道路 戶口 姓氏 坊市

官府 廟學 貢院 放生池 館驛

倉庫 刑獄 營寨 郵傳 祠廟

第二卷

物產

穀粟 蔬茹 藥物 木果 水族 羽

族 獸類 畜擾 貨賄

貢賦

稅則 雜錢 夏稅物帛 小麥 秋稅

糙米 折帛錢 進貢 供物帛 上供

紙 酒課 稅課 茶課 鹽課 公用

第三卷

欽縣

沿革 縣境 鄉里 戶口 田畝 租

稅 酒稅 城社 官廨 鎮寨 道路

橋梁 津渡 山阜 水源 古跡

祠廟 道觀 僧寺 丘墓 碑碣 賢

宰

第四卷

休寧

休寧縣志

第五卷

婺源

績溪

黟縣

第六卷

先達

程儀同

程都督

吳御史

王校正

汪處士

舒狀元

呂侍郎

大魏太尉

查秘監 張度支 許司封 謝諫議  
張密學 小魏太尉 查賢良 俞待  
制 俞侍郎 洪比部 聶內翰 許待  
制 許長官 呂狀元 孫工部

第七卷

先達

王提刑 汪宣德 洪尚書 胡金部  
胡司業 黃侍御 汪丞相 程顯學  
凌待制 汪內翰 胡待制 汪少卿

胡殿院 先君尚書 朱吏部 汪樞密

金尚書

第八卷

進士題名

賢良方正一人 進士貢士二百三十四

人 明經二人 發運使賜第二人 樂

成獻頌並銓試賜第共四人 貢士獻策

一人 特奏名三十三人 武舉四人

義民



黃芮 章氏二女 汪延美 葉氏女  
詹惠民

仙釋

方儲 許宣平 聶師道 聶紹元 丘

寺丞 鄭姑 程惟象 張擴 智琚

定莊 茂源 謙禪師 瀾大德 雪山

子 宣道者 宗白頭

第九卷

牧守

吳五人 晉三人 宋十二人 齊五人

梁十三人 陳五人 唐三十五人

吳楊氏三人 南唐一人 國朝宣和前

二十九人 宣和後見壁者三十六人

第十卷

雜錄

人事 詩話 雜藝 硯 紙 墨 定

數 神異 記聞

新安志目錄

族裔孫鳳翥校字



新安志卷第一

新安羅願撰

州郡沿革

徽州新安郡軍事禹貢職方氏揚州之南境春秋時屬吳吳亡屬越越滅屬楚秦并天下置黟歙二縣屬鄣郡漢武帝元封二年改鄣郡曰丹陽而使都尉分治于歙成帝鴻嘉二年以黟爲廣德王國



立中山憲王孫雲客於此三年薨無子地入於漢平帝元始二年復以為廣德王國立廣川惠王曾孫倫為王傳子赤王莽篡位貶赤為公明年廢而改黠曰翹鹵光武中興復為黠獻帝建安十三年吳主孫權遣威武中郎將賀齊定黠歙分歙為始新新定黎陽休陽并黠歙為六縣遂割於丹陽置以為新都郡其後避嗣主孫休諱改休陽為海甯晉武帝太康元年平吳以黠之廣德故國為廣德縣隸宣城郡

何承天宋志稱廣德漢舊縣沈約以為二漢志並無之疑是吳所立按吳志曰蒙領廣德長吳錄張

純補廣德今則廣德在吳為縣矣然不知所屬至晉書乃顯隸宣城云

改新都郡曰新安改新

定縣曰遂安宋大明八年省黎陽併入海寧止領

縣五梁武帝普通三年割吳郡之壽昌來屬復為

六縣自秦漢鄣丹陽及吳新都晉新安皆隸揚州

宋孝建元年分揚州之會稽東陽新安永嘉臨海

五郡為東揚州自後或併或分梁元帝承聖中分

海寧黠歙三縣更置黎陽合四縣立新寧郡與新

安並正屬揚州陳省新寧郡及黎陽縣而新安復

屬東揚州

祥符經云天嘉五年新安郡置東揚州按陳書天嘉四年以新安

隋開皇九年改郡為歙州改始新縣曰新安縣又  
併遂安及梁所割吳郡壽昌未屬者皆入新安縣  
以隸婺州於是縣之存者黟歙海寧三縣而州治  
黟仁壽三年取婺州之新安并復立遂安以隸睦  
州於是二縣故地迄今不復今嚴州淳安遂安是  
也大業初復以歙州為新安郡治休寧義寧中治  
歙武德元年例改郡為州太守為刺史四年越國  
公納歙於是因其境土以歙州為總管府使持節  
總管歙宣杭睦婺饒等六州諸軍事未幾改命王

docsriver 文川网  
入驻商家 古籍书城

在文川网搜索古籍书城 获取更多电子书

雄誕爲使總管歙睦衢三州七年二月例改都督  
府正觀元年罷都督府永徽五年析歙縣置北野  
縣開元二十八年正月九日析休寧置婺源縣永  
嘉元年盜方清陷州州民拒賊保休寧之山險二  
年賊平因析置歸德縣又以平方清因其壘析黔  
及饒州之浮梁置祁門縣又以宣州旌德寇王萬  
敵平析歙之古華陽鎮置績溪縣而北野歸德二  
縣至大曆五年省於是州復統六縣元和六年九  
月升上州自罷督府後或隸揚潤二州或屬浙江



江西道節度及宣歙觀察團練使天祐二年刺史  
陶雅以楊氏承制拜歙婺衢睦四州都團練觀察  
處置等使唐亡吳楊氏南唐李氏相繼有之皇朝  
開寶八年下江南於是始復得共職貢於天子隸  
江南東路為望宣和三年五月二十四日詔改歙  
州為徽州

分野

禹貢淮海維揚州周禮東南曰揚州而不言所直  
之宿漢地理志吳地斗分野也粵地牽牛婺女之